



ZAPISNIK O RADU 17. SJEDNICE KOLEGIJA GRADSKOG VIJEĆA GRADA SARAJEVA

održane 04.12.2017. godine

Broj: 01-GV-02-1883/17

Datum: 04.12.2017. godine

Prisutni:

1. Dr. Igor Gavrić, Predsjedavajući Gradskog vijeća
2. Mira Jurić, zamjenica Predsjedavajućeg Gradskog vijeća
3. Edina Gabela, zamjenica Predsjedavajućeg Gradskog vijeća
4. Prof. dr. Velija Katica, predsjedavajući Kluba gradskih vijećnika SDA
5. Miro Lazović, predsjedavajući Kluba gradskih vijećnika SDP-a
6. Mr. Vibor Handžić, predsjedavajući Kluba gradskih vijećnika Naše stranke
7. Sead Srna, predsjedavajući Kluba gradskih vijećnika "ASA"
8. Snežana Omukić, zamjenica predsjedavajuće Kluba gradskih vijećnika DF
9. Vedran Dodik, predsjedavajući Kluba gradskih vijećnika GRAĐANSKI SAVEZ
– SAVEZ ZA STARI GRAD
10. Bajro Biber, predsjedavajući Kluba gradskih vijećnika BOSS – USD
11. Srđan Srdić, predsjedavajući Kluba samostalnih gradskih vijećnika Srdić – Stojnić
12. Safet Krajišnik, sekretar Gradskog vijeća

Odsutna: Mr. Tea Dreković, predsjedavajuća Kluba gradskih vijećnika SBB (najavljen izostanak)

Po ovlaštenju Gradonačelnika, sjednici je prisustvovala Maja Hadžihalilović, savjetnik Gradonačelnika za pravna pitanja.

Sjednici je prisustvovala Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Predsjedavajući Gradskog vijeća Dr. Igor Gavrić je otvorio sjednicu, pozdravio prisutne i konstatirao kvorum za punovažan rad i odlučivanje.

Zamjenica predsjedavajuće Kluba gradskih vijećnika DF Snežana Omukić je zatražila da u Zapisnik uđe diskusija predsjedavajuće Kluba gradskih vijećnika DF Lane Velić, budući da je predsjedavajuća Kluba zatražila na samoj sjednici da se njena diskusija unese u zapisnik, a diskusija bi imala sljedeći sadržaj.

Iako je predsjedavajuća Kluba gradskih vijećnika DF dva puta zatražila riječ prije drugih članova Kolegija, Predsjedavajući Gradskog vijeća je riječ dao drugim članovima Kolegija, te je predsjedavajuća Kluba gradskih vijećnika DF, protestirala protiv takvog pristupa Predsjedavajućeg.

Poslije rasprave i sažetka Predsjedavajućeg Gradskog vijeća, usvojen je Zapisnik o radu 16. sjednice Kolegija Gradskog vijeća Grada Sarajeva održane 21.11.2017. godine kako je predložen i izmijenjen uvrštavanjem prijedloga za dopunu predloženog zapisnika Kluba gradskih vijećnika DF.

Sjednica je započela jednoglasnim usvajanjem sljedećeg dnevnog reda:

1. Priprema za održavanje 10. sjednice Gradskog vijeća Grada Sarajeva
2. Utvrđivanje Prijedloga Programa rada Gradskog vijeća Grada Sarajeva za 2018. godinu
3. Tekuća pitanja



Ad 1)

a. Termin održavanja sjednice i dinamika aktivnosti u pripremi 10. sjednice Gradskog vijeća

Na prijedlog Predsjedavajućeg, jednoglasno je usvojen sljedeći **zaključak**:

- 10. sjednica Gradskog vijeća će se održati 20.12.2017. godine;
- Predlagači će materijale dostaviti Predsjedavajućem najkasnije u srijedu 06.12.2017. godine do 10 sati;
- Sjednice radnih tijela u pripremi ove sjednice održati će se od 07. do 14.12.2017. godine;
- Pozivi gradskim vijećnicima za 10. sjednicu Gradskog vijeća Grada Sarajeva, uputit će se u utorak 12.12.2017. godine.

b. Praćenje realizacije Programa rada Gradskog vijeća Grada Sarajeva

Poslije rasprave, konstatirano je, odnosno zaključeno sljedeće.

Prijedlog Politike Grada Sarajeva za mandatni period 2016-2020, programiran za razmatranje u decembru mjesecu, prema informaciji Gradonačelnika, spreman je, te se očekuje u prijedlogu dnevnog reda 10. sjednice Gradskog vijeća.

Očekuje se da će Kolegij Gradskog vijeća na ovoj sjednici utvrditi Prijedlog Programa rada Gradskog vijeća Grada Sarajeva za 2018. godinu, te da će se isti uvrstiti u prijedlog dnevnog reda 10. sjednice Gradskog vijeća.

Izvještaj Gradonačelnika o stanju u državnoj službi u Gradu Sarajevu, programiran za razmatranje u decembru mjesecu, prema informaciji Gradonačelnika, spreman je, te se očekuje u prijedlogu dnevnog reda 10. sjednice Gradskog vijeća.

Inicijativa Grada Sarajeva nadležnim organima vlasti u Bosni i Hercegovini za pristupanje izradi i donošenju Zakona o glavnom gradu Bosne i Hercegovine i Zakona o glavnom gradu Federacije Bosne i Hercegovine, programirana za razmatranje u decembru mjesecu, prema informaciji Gradonačelnika, spreman je, te se očekuje u prijedlogu dnevnog reda 10. sjednice Gradskog vijeća u formi prijedloga.

Prijedlog Odluke o usvajanju Regulacionog plana „Alifakovac – Babića Bašta“ s Odlukom o provođenju Regulacionog plana „Alifakovac – Babića Bašta“, nije spreman, te neće biti sadržan u prijedlogu dnevnog reda 10. sjednice Gradskog vijeća, uz obrazloženje Gradonačelnika vezano za izmjenu i dopunu Zakona o prostornom uređenju Kantona Sarajevo koja se očekuje.

Prijedlog Odluke o pristupanju izradi Izmjena i dopuna Regulacionog plana „Kvadrant C1 – Marijin Dvor“, programiran za razmatranje u decembru mjesecu, nije spreman, te neće biti sadržan u prijedlogu dnevnog reda 10. sjednice Gradskog vijeća, uz obrazloženje Gradonačelnika vezano za izmjenu i dopunu Zakona o prostornom uređenju Kantona Sarajevo koja se očekuje.

Nacrt Elaborata o postavljanju reklamnih panoa i drugih objekata, programiran za razmatranje u decembru mjesecu, prema informaciji Gradonačelnika, nije spreman, te neće biti sadržan u prijedlogu dnevnog reda 10. sjednice Gradskog vijeća.

Prijedlog Budžeta Grada Sarajeva za 2018. godinu, programiran za razmatranje u decembru mjesecu, prema informaciji Gradonačelnika, spreman je, te se očekuje u prijedlogu dnevnog reda 10. sjednice Gradskog vijeća.

Prijedlog Odluke o izvršavanju Budžeta Grada Sarajeva za 2018. godinu, programiran za razmatranje u decembru mjesecu, prema informaciji Gradonačelnika, spreman je, te se očekuje u prijedlogu dnevnog reda 10. sjednice Gradskog vijeća.

Informacija o provođenju aktivnosti na realizaciji ciljeva zacrtanih u Odluci Gradskog vijeća Grada Sarajeva o VI. fazi projekta „Sarajevo zdravi grad“ Mreže zdravih gradova Svjetske zdravstvene organizacije kao informativni materijal, spremna je, te će biti dostupna gradskim vijećnicima uz poziv za 10. sjednicu Gradskog vijeća.

Informacija o realizaciji Projekta uspostavljanja Informacionog centra Međunarodnog krivičnog suda za bivšu Jugoslaviju u Sarajevu, programirana za razmatranje u decembru mjesecu, prema informaciji Gradonačelnika, nije spremna, te neće biti sadržana u prijedlogu dnevnog reda 10. sjednice Gradskog vijeća, odnosno njezino razmatranje se odlaže za januar mjesec 2018. godine.

c. Obaveze iz ranijeg perioda

Na prošloj sjednici Gradskog vijeća, Gradsko vijeće je razmatralo, a nije usvojilo, Odluku o obrazovanju Odbora za dodjelu „Šestoaprilske nagrade Grada Sarajeva“ u 2018. godini. Budući da slijedi proces pripreme za predlaganje kandidata za dodjelu "Šestoaprilske nagrade Grada Sarajeva" u 2018. godini, potrebno je u prijedlog dnevnog reda 10. sjednice uvrstiti razmatranje Prijedloga Odluke o obrazovanju Odbora za dodjelu „Šestoaprilske nagrade Grada Sarajeva“ u 2018. godini. Očekuje se od Klubova gradskih vijećnika da ponovo razmotre svoje prijedloge i dostave ih Komisiji za izbor i imenovanja u potrebnom roku.

d. Novi prijedlozi

Prema informaciji Gradonačelnika za 10. sjednicu Gradskog vijeća, Gradonačelnik će utvrditi i

- Prijedlog Odluke o davanju saglasnosti na Ugovor o davanju na korištenje i upravljanje objektom olimpijskog bazena Otoka, koji uključuje Grad Sarajevo i JP "Olimpijski bazen Otoka" d.o.o. Sarajevo, te
- Prijedlog Odluke o davanju saglasnosti Gradonačelniku i Pravobranilaštvu Grada Sarajeva za kupovinu nekretnina a za potrebe vanjskog uređenja polazne stanice Trebevičke žičare,

pa se očekuju i ove teme u prijedlogu dnevnog reda 10. sjednice Gradskog vijeća.

e. Mogući prijedlog dnevnog reda 10. sjednice Gradskog vijeća

1. Prijedlog inicijative Grada Sarajeva nadležnim organima vlasti u Bosni i Hercegovini za pristupanje izradi i donošenju Zakona o glavnom gradu Bosne i Hercegovine i Zakona o glavnom gradu Federacije Bosne i Hercegovine
2. Prijedlog Odluke o obrazovanju Odbora za dodjelu „Šestoaprilske nagrade Grada Sarajeva“ u 2018. godini
3. Prijedlog Politike Grada Sarajeva za mandatni period 2016-2020
4. Prijedlog Programa rada Gradskog vijeća Grada Sarajeva za 2018. godinu
5. Prijedlog Budžeta Grada Sarajeva za 2018. godinu
6. Prijedlog Odluke o izvršavanju Budžeta Grada Sarajeva za 2018. godinu
7. Prijedlog Odluke o davanju saglasnosti na Ugovor o davanju na korištenje i upravljanje objektom olimpijskog bazena Otoka, koji uključuje Grad Sarajevo i JP "Olimpijski bazen Otoka" d.o.o. Sarajevo
8. Prijedlog Odluke o davanju saglasnosti Gradonačelniku i Pravobranilaštvu Grada Sarajeva za kupovinu nekretnina a za potrebe vanjskog uređenja polazne stanice Trebevičke žičare
9. Izvještaj o stanju u državnoj službi u Gradu Sarajevu

10. Nacrt Programa međunarodne saradnje Grada Sarajeva za 2018. godinu

11. Vijećnička pitanja i inicijative

Uz poziv za sjednicu, gradskim vijećnicima će biti dostavljen i informativni materijal

- Informacija o provođenju aktivnosti na realizaciji ciljeva zacrtanih u Odluci Gradskog vijeća Grada Sarajeva o VI fazi projekta „Sarajevo - zdravi grad“ mreže zdravih gradova Svjetske zdravstvene organizacije.

Ad 2)

Predsjedavajući Gradskog vijeća je u uvodnim napomenama podsjetio članove Kolegija da je radni materijal za utvrđivanje Prijedloga Programa rada Gradskog vijeća Grada Sarajeva za 2018. godinu sa radnim materijalom za razmatranje Izvještaja o provedenoj javnoj raspravi dostavljen članovima Kolegija uz poziv za sjednicu.

Predložio je da se najprije razmatra Izvještaj o provedenoj javnoj raspravi, te da se rješenja iz očitovanja koja se usvoje po podnesenim prijedlozima u javnoj raspravi, uvrste u konačan Prijedlog Programa.

U uvodnim napomenama je obrazložio da su u radnom materijalu sadržana moguća očitovanja prema prijedlozima radnih tijela Gradskog vijeća, Gradonačelnika, Općine Novi Grad Sarajevo i Općine Novo Sarajevo, a uz uvažavanje ranije dogovorenih principa i to:

- program treba sadržavati teme iz nadležnosti Grada Sarajeva,
- program sadrži i teme iz urbanog planiranja prema informaciji Gradonačelnika o očekivanoj izmjeni Zakona o prostornom uređenju Kantona Sarajevo,
- prednost se daje prijedlozima radnih tijela i Gradonačelnika, budući da je Gradonačelnik, u najvećoj mjeri, predlagач tema sadržanih u Programu rada Gradskog vijeća.

Poslije rasprave, na prijedlog Predsjedavajućeg Gradskog vijeća, jednoglasno je usvojen

Izvještaj o provedenoj javnoj raspravi o Nacrtu Programa rada Gradskog vijeća Grada Sarajeva za 2018. godinu u tekstu kako je i razmatran.

Poslije uvodnih napomena, bez rasprave, na prijedlog Predsjedavajućeg Gradskog vijeća, jednoglasno je usvojen sljedeći **zaključak**:

Utvrđuje se Prijedlog Programa rada Gradskog vijeća za 2018. godinu i upućuje Gradskom vijeću na razmatranje zajedno sa Izvještajem o provedenoj javnoj raspravi o Nacrtu Programa rada Gradskog vijeća Grada Sarajeva za 2018. godinu.

Ad 3)

Pod ovom tačkom dnevnog reda nije bilo zaključaka.

SEKRETAR GRADSKOG VIJEĆA

Safet Krajišnik, s.r.

PREDSJEDAVAJUĆI GRADSKOG VIJEĆA

Dr. Igor Gavrić, s.r.